


分
三



宋會要
卷四百四十五

方域十八

漲疑
畧疑
銅

每卷首
前三行
格式

吳興劉氏嘉業堂鈔本

宋會要卷第四百四十五

大興徐松輯大典本

方域十八水利

水利



太祖建隆二年西京留守向拱言重修天津橋洛水貫
西京多暴漲壞橋梁拱覓巨石為脚高數丈銳其前以
疏水勢石縫以鐵鼓畧之其制甚固詔書褒美

千一
百六

開寶九年四月郊祀西京詔發卒五千自洛城菜市橋
鑿渠抵漕口二十五里饋運便之

太宗太平興國三年正月詔弓箭庫使王文寶六宅使
李繼隆作坊副使李神祐劉承珪往京西分護南路新

自疑白。

河之後白河在唐州南流入漢先是轉運使程能建
議開是河自襄漢下向口置堰田水入石塘沙門合蔡
河達京師塹山堙谷凡千餘里引自河水注焉以通湘
潭之漕詔發唐鄧汝穎許蔡陳鄭丁夫數萬人赴其後
又以諸州兵萬人助之歷博望羅渠小柘山凡百餘里
月餘抵方城而地勢高仰水不能至復多役人以致水
然終不可通漕會山水暴漲石堰壞河不克就卒堙廢
焉上同

九月遣殿直李守澤浚絳州汾河上同

端拱元年供奉官閻門祇候閻文遜苗忠言開荆南城
東漕河至師子口入漢江可通荆峽漕路至襄州又開

吳興劉氏求恕齋鈔本

廢疑廢

古白河可通襄漢漕路至京詔八作使石全振往視之
遂廢丁夫治荆南漕河至漢江可勝二百料重載行旅
頗便而古白河終不可開上同

至道三年正月內侍閻承翰上力瀾二水圖乞報鄆陵
縣修汴夫量事勾畝并築隄塘從之上同

真宗咸平五年三月河北轉運使耿望奉詔開鎮州常
山鎮南河水汶河至趙州上同

景德元年正月北面閻承翰言定州屯大兵歲後河朔
民輦運甚為勞苦竊見定州北唐河水可自嘉山東引
至定州計三十三里自定州開渠至蒲陰縣東約六十
二里入汴一本作沙河河東經邊吳泊入界河足行舟楫不惟

易致資糧無可播種其旁引水灌溉以助軍食設險以
限戎馬從之上同

四月保州趙彬請堰徐河水入雞距泉雞距泉在州之
南東流入邊吳泊歲漕粟以給軍食而地峻水淺後夫
挽舟甚為勞苦至是彬經度引水勝重舟省人力詔獎
之上同

五月詔駕部員外郎滑脩已與京東轉運使按行梁山
灤開渠疏水于淮脩已言徐州界有呂隘舟行頗艱自
來官置水手三十人又置二十人為隊長往來挽致舟
船本州頗弛慢不加督責山石溢舟行為疏導水手曾
不畏懼但務擾民長吏未曾親臨省視望專委官吏俟

溢
隘

吳興劉氏求恕齋鈔本

秋深水涸即遣匠脩此二洪詔脩已遷一官令知徐州
修其事八月雄州何承矩請令滄州乾寧軍常督壕寨
主吏專視斗門水口旦夕俟海潮至放水入御河東堂
堰以溢塘水從之上同

二年正月詔定邾州委官接視親開漕河及沿河寨柵
勿令壅圯上同

三年八月侍禁閤門祇候胡守節言準宣按視趙守倫
所開廣濟河通夾黃河入清河臣與水平匠緣清河檢
校其自徐州至楚州灘峻處乞守倫未得興後先須經
度若是可以久遠通行漕運即于夾黃河興工添置斗
門埧子免費工料從之上同

大中祥符七年十月江淮發運使李傳言準詔與內供奉官盧守勲按視杭州江岸請依錢氏舊制立木積石以捍湖波從之仍令守勲專掌其事初江潮悍激止及西興至是直抵州城知州戚綸轉運使陳堯佐請累稍為岸既成會綸等徙任或言其非便故令溥等視而改之上同

八年正月虞部郎中知萊州閻貽慶言開修夾黃河畢詔遣一官賞之上同

九月令京西轉運使與鄭州知州相度開小河導湖河退水入州城壕時入內殿頭李懷賓言金水河與湖河合流多穢濁乞畎湖別常切巡護逐年檢計工料差夫

吳興劉氏求恕齋鈔本

并逐填兵士淘取泥土脩貼隄岸每春率逐填兵士于牽路外多栽榆柳如河隄無虞林木青活年終令輦運司點檢不虛批上歷子理為勞績如怠慢致岸頽缺栽種失時勘逐科罰五月兩浙轉運使言潤州開河畢工降詔獎之上同

嘉祐二年三月二十八日詔六塔河水見浸博州將來河水汎漲東流轉大令轉運使李叅等相度分減東流不得滄浸向下州軍上同

三年正月開京城西葛家岡新河以有司言至和中大水入京城請自祥符縣界葛家岡開生河直城南好草陂北入惠民河分入魯溝河以紓京城之患也命名為

永通河凡役工六十三萬九月而成同上

六年八月江淮制置發運司言淮水壞泗州城知州王
操通判張師中能協力保完之乞降詔獎諭從之同上

仁宗天聖元年閏九月淮南制置發運使趙賀入內供
奉官張永和準勅往蘇州相度積水今相度得吳江等
縣自來工石塘路橋道合依舊修疊隔欄太湖風浪護
占民田從之同上

三年六月淮南制置使張綸請開真州長蘆口河道從
之同上

五年六月淮南制置發運副使張綸言楚州高郵軍界
運河堤岸修築其知楚州寶應縣張九能知高郵縣李

吳興劉氏求恕齋鈔本

居方管勾河隄種植榆柳委寔用心欲令逐官添管勾
運河隄岸令終三年從之仍自今所差寶應高郵知縣
並帶管勾運河隄岸事九能後坐開運河不切防護水
衝隄岸浸民田罰金降監當差使同上

六年六月殿中侍御史李紘言徐州沛縣有古汜河及
清河濟州任城金鄉兩縣有故大義河並各淺澁淤澱
望開撥修疊隄岸詔轉運司計度工料以聞同上

七年二月京東轉運司言緣廣濟河并夾黃河縣分令
佐乞派故也同上

天禧三年十二月上封者言崇儀副使史瑩于鄭州界
開新河流入金水河非便詔京西轉運副使杜詹與鄭

州知州詳所奏規度利害以聞是日遣殿中侍御史張宗象與淮南農使王贊之同相度開楚州西門外運河宗象言若開河可免淮河風濤阻滯拋失舟船頗為利便詔俟將來歲稔奏裁施行上同

五年六月知江陰軍崔立勸部民浚港溉田下詔獎之上同

英宗治平三年三月命同判都水監張鞏與河北轉運使沈立度治澶州上六塔河上同

神宗熙寧三年正月十二日提舉河北便糶皮公弼提舉常平倉王廣廉言相度王庠擘畫商遐村地分開御河池瀆陷難以興工如劉彛程昉所擘畫仍添展工料

吳興劉氏求恕齋鈔本

為便詔依所奏發邢洛磁相趙州真定府夫及都水監卒治之以廣廉昉都大管勾本路轉運使劉庠提舉至六月開修新河東趨通快別無阻礙先是臣寮奏御河可於恩州武城縣開約二十餘里入黃河北流故道下五股河故命彛昉相度而冀州通判王庠言若只於今來見行流去處下接胡蘆河地里近便地形卑下不至大段枉費民力彛等又奏據庠言同共相度上件河道雖是見今御河水勢行流於理為順其有漫淺膠泥深闊去處即須至更興修郝閘口方免阻滯網船其工役又須二三年今除郝閘口一十八里外烏欄堤東北至小流港橫截黃河入五股河計一百二十餘里地形低

下有積水可以開河引撥水勢至永靜軍自五股河入
故道大典卷一萬一千一百七

四年八月四日令淮南發運司召人進納見錢差雇人
夫開修泗州洪澤河同上

五年正月十七日賜權發遣江淮等路發運副使皮公
弼銀絹二百仍賜勅書獎諭初公弼言漕運涉淮有風

波之險乞開洪澤河六十里稍避其害詔委公弼提舉
至是工畢人以為便故有是賜同上

六年六月十六日管勾都水監丞侯叔獻言近准詔從
所請開白溝等河欲以白溝為清汴儲三十六陂及京

索二水為源傲真楚州開平河置牒四時行舟因罷汴

傲疑傲

吳興劉氏求恕齋鈔本

渠上曰叔獻開白溝河功料未易辦乃欲來年即廢汴
渠宜更遣官覆驗且汴渠水運甚廣河北陝西資焉又
都畿公私所用良材皆自汴口而至何可遽廢王安石
曰此役若成亦無窮之利當別為漕河以通黃河一支
漕運河乃為經久耳馮京曰若白溝成與汴蔡皆通運
輸為利愈大臣恐汴河終不可廢上然之詔劉璿同叔
獻覆視以聞後覆視河長八百里工大分為三歲興修
從之同上

七年正月二十七日詔權停修白溝河移夫濬自盟河

詳見白溝河同上

八年四月十七日都大提舉黃御等河公事程昉言乞

自濬沱胡蘆兩河引水淤溉濬沱南岸魏公孝仁兩鄉
瘠地萬五千餘頃自永靜軍雙陸道口引河水淤溉北
岸曲淀等村瘠地萬二千餘頃乞並俟明年興工從之
上同

五月十八日詔同管勾外都水監丞程昉權知都水監
丞劉璿提舉開廣沙河初昉璿言王供埽地有沙河故
道可開廣取河水灌之轉入枯河下合御河即黃河堤
置斗門啟閉其利有五王供迺向着埽免河勢變移別
開口地一也漕舟出汴對過沙河免大河風濤之患二
也沙河分水一支入御河大河漲溢沙河自有節限三
也御河漲溢有斗門啟閉無充注填淤之憂四也德博

吳興劉氏求恕齋鈔本

舟運免數百里大河之險五也開河用工五十六萬七
千四百九十三請發卒萬人役一月可成故從其請而
有是上同

是下疑有命字

六月二十八日詔判都水監史叔獻減磨勘二年丞劉
璿一年殿直劉永年二年以開訾家口有勞也上同
九月五日中書門下言訪聞深祁永靜等州軍胡蘆濬
沱沙河新河山水泛漲例皆衝決岸口所有合修治堤
防及開濬淤澱欲令外都水監丞及水利司檢計施行
仍先具工料及令轉運司勘會滄浸民田頃畝都數以
聞從之上同

九年五月二十六日提舉淮南常平倉王子京言提舉

開修運益河自泰州至如臯縣共一百七十餘里日後
人夫二萬九十餘六月修滹沱河功畢四月司農寺言
修丁家河畢詔推恩官吏十九日高陽閔路安撫司言
信安乾寧軍塘濼昨因不修獨流決口至今乾涸乞於
撲椿堰南引御河水上批聞近歲塘水有極乾淺處當
職之官頗失經治可於兩路各選委監司一員以巡歷
為名點檢具闕狹深淺畫圖以聞已而河北東西路提
點刑獄韓正彥韓宗道各具淤澱乾淺處以聞詔送河
北屯田司相度當興修所在計工料聞奏其官吏仍令
東路轉運司劾之同上

七月四日知太原府韓絳言府西汾河夏秋霖雨水勢

吳興劉氏求恕齋鈔本

條疑修

漲溢與黃河無異近淤澱河道高起汎漲為患乞於本
府雄猛指揮差兵級百人專切條築救護及令堤上種
植林木以充梢椿仍降濬川把樣及差人指教並從之
同上
元豐元年閏正月三日前知曹州劉攽言伏見知濟陰
縣羅適開導古澗河決洩積水有功適議以為若明年
春許差人夫及取民願併力施功則爾後水害可使永
除乞下本州速與應副上批可記適姓名以適知陳留
縣仍詔適留舊任候見任官成資日交替同上
六月七日京東路體量安撫黃廉言本路被水乞勅有
司檢計溝河候豐熟令所屬調丁夫濬治梁山張澤兩

樂累歲填淤浸損民田亦乞自流濬至濱州從之仍令
都水監遣官同轉運司檢視工料上同
二年八月十三日詔濬淮南運河自卽伯堰至真州十
四節分二年用工從轉運司奏也上同
十二月十二日定州安撫使韓絳言大理寺丞楊嬰尋
訪得定州界西自山麓東接塘淀綿地百餘里可以濬
水設為險固願聽營葺從之仍詔以引水灌田為名上同
三年六月十五日權判都水監張唐民請復黃汴諸河
歲差修河客軍九千人額從之上同
八月一日京東轉運司言濰州白浪河每歲滄浸護城
堤岸去年費稍草萬餘僅免水患知州楊采開河引導

吳興劉氏求恕齋鈔本

遂不至城下費省患弭詔降勅書獎之上同
四年六月十四日幹當御藥院竇仕宣言相視大河至
乾寧軍撲椿口以下流行未道河道又緣河東北流自
小吳向下與御河胡蘆滹沱三河合流若於漲水之際
深慮提防艱難乞令都水監定三河合黃河其三河於
何所歸納詔遣李立之相度後立之言三河別無回河
歸納處須當合黃河行流從之上同
六年八月六日江淮等路發運副使蔣之奇言長淮洪
澤河實可開治願亟興工詔陳祐甫相視以聞已而陳
祐甫言田渠任淮南提刑嘗建言開河其後自淮陰至
洪澤訖成厥功獨洪澤以上未克興役臣今相度既不

用牒蓄水惟隨淮面高下開深河底引淮水通流則於
勢至易其便甚明行地五十七里計工二百五十九萬
七千役民夫九萬二千一月兵夫二千九百兩月麥米
十一萬斛錢十萬緡分二年閏詔限一月仍令蔣之奇
陳祐甫同提舉上同
哲宗元祐四年六月二十六日知陳州胡宗愈言本州
地勢卑下至秋夏之間許蔡汝鄧西京及開封諸處大
雨則諸河之水並由陳州沙河蔡河同入潁河潁河不
能容受故陳州境內潴為陂澤今沙河蔡河合水潁河
處有古八丈溝可以開濬分決蔡河之水自為一支由
潁壽界直入于淮則沙河之水雖湧不能壅遏昔有項

吳興劉氏求恕齋鈔本

城縣令姚闢曾建此議詔府界提刑羅適依宗愈所奏
仍兼提舉淮南西路接連合治水利上同

紹聖元年七月十二日殿中侍御史郭知章言昨被命
賑濟體問得京東路曹濟濮廣濟等州軍地勢汙下累
年積水為患雖豐歲亦不免為憂緣往年府界提刑羅
適開畝府界諸縣積水引而委之於京東而京東河道
未有措置故水無所歸望選監司令疏濬京東河道詔
令本路提刑司審按如有積水即具合如何開畝聞奏

上同

三年四月十七日河北路轉運使吳安持言御河自元
豐四年因小吳決溢大河北流遂致湮塞今大河趨御

河復出請委前都水丞李仲專提舉開導從之同
四年二月十一日詔降度牒百道付洪州鬻錢以募闕
食小民開治本州內外湖港從江西轉運鈐轄司請也
同

閏二月十九日工部言京西都大堤舉汴河堤岸楊球
乞依元豐年例減放洛水入京西界大白龍坑及三十
六陂充水櫃準備添助汴水行運等下都水監相度欲
乞興復恚如元豐故事甚便詔賈種民楊玟同相度合
占頃畝及功力以聞同

九月一日詔兩浙歲旱本路運河如有填淤處優給雇
直募人開濬同

吳興劉氏求恕齋鈔本

元符元年三月五日詔新修楚州支家河賜名為通漣
河以工部言淮南開河所奏其河係導引漣海河與淮
水相通乞賜名故也同

徽宗崇寧四年五月十五日提舉兩浙路常平等事徐
確言蘇秀湖三州見管開江兵士一千四百人并使臣
二員欲就令逐官專切點檢已開吳松古江如有潮沙
淤澱即時開淘須管常及今來開掘深闊丈尺決洩水
勢取令通快華亭昆山縣知佐每季輪那巡視具有無
淤塞去處開報本州縣及監司并委蘇秀二州通判半
年前去檢點監司依分定歲巡親往檢察開江使臣若
能用心開淘並無漲沙堙澱任滿減二年磨勘如敢弛

慢却致沙泥壅澱即展二年磨勘逐縣知佐并兩州通判如不依立定日限逐時前去點檢亦令監司點檢勘刻施行從之上同

大觀元年十一月十四日詔舟行大江或遇風波頗遭覆溺之害訪聞兩岸有港澳可保歲久堙塞其令所在州縣檢視悉行開濬每澳降祠部度牒十道給其費仍令發運司開具合修港澳處以聞上同

三年二月十五日朝議大夫張竦言河陽界元相度於上渦西南馬村開直河一道温縣南堯風村開直河一道內上渦馬村直河開修了當已見成效外有温縣堯風村直河本縣人戶經朝廷陳狀稱開掘莊并桑棗數

吳興劉氏求恕齋鈔本

百頃直河司遂乞權罷開修契勘得所掘民田止是數頃欲乞乘此豐稔下都水監依元相度對事理趁今春復行開修奉詔令都水監相度開修勘會所占民田若不優給價值切慮虧損人戶詔據合拘占田於見今價直上更增三分限十日支給上同

四年四月十四日工部言淮南江浙荆湖都大制置發運司狀兩浙路運河失於開治蓋為州縣不切點檢開修是致阻節綱運雖有本州審度指揮緣別無法任責州郡終不究心欲乞令兩浙州縣運河依元符二年九月十八日淮南運法令知州通判兼管從之上同政和二年七月十二日詔于兩浙路支撥見管度牒一

百道修築錢塘江從兵部尚書張閻請也上同

三年七月二十日詔吳江修整了當專監修官轉一官
餘官各減二年磨勘承直郎以下依條比類施行從兩
浙轉運提舉司奏也上同

五年四月十五日詔通利軍三山開河修繫永橋今來
放水了當其在彼公役人賜銀絹錢物有差上同

六年閏正月七日知杭州李偃言湯村巖門白石等處
並錢塘江通大海日受兩潮漸致侵齧乞依六和寺岸
用石砌壘詔令劉既濟措置上同

四月二十七日詔賜開濬大名府壕河官吏轉官有差上同
八月十七日詔鎮江府旁臨大江舟楫往來每遇風濤

吳興劉氏求恕齋鈔本

無港河容泊以致三年間覆溺凡五百餘艘訪聞西有
舊河可以隱避歲久埋廢宜令發運司計度濬治上同

宣和元年十二月六日詔開修兗源河并直河畢工益
昌齡降詔獎諭餘人轉官減年有差上同

二年十一月四日江淮等路發運使陳亨伯言奉詔措
置楚州至高郵亭一帶河淺溢相度運河別無上源惟
賴陂湖灌注行運今歲春夏闕雨陂塘潮水例皆低淺
山陽河道比南地稍高遂委官前去催促開撩州縣並
不究心致河水淺溢知楚州杜總知山陽縣費若全無
心力楚州通判康大年頗勤職事臣見與趙億孫默日
逐措置詔杜總費若勒停差程固知楚州山陽知縣令

吏部限一日差注仍令陳亨伯同本路轉運常平司隨
宜措置同

三年正月二十六日詔改開封府中牟縣鼓脰河為靖
澗河同

三月二十八日高州防禦使李琮言真州係外江網運
會集要口所襄糧斛五十餘萬以河運淺澁不能津發
契勘真州以來轉運河南岸有泄水斗門八座去江不
滿一里相度乞將斗門河身開掘面闊一丈五尺門深
五尺於江口近裏約十丈以來打築軟壩賺引潮水入
河捺定即蓄一潮之水量度功力可消水車數倍仍逐
斗門差官專一監督亦作交替令真州日具功程回報

吳興劉氏求恕齋鈔本

今來運河雖每十里作壩緣至揚州界地名揚子橋仍
於南岸權置小堰廣用水車畝以南河水不惟不走運
水復得廣有車水資助可以浮應網船詔令趙億王似
錢德輿疾速措置施行上同

五年八月七日發運提舉司廉訪所言兩浙運河自今
河身淤澱稍愆雨澤便有淺澁致妨漕運合行深濬數
內鎮江府地名新豐界運河底有古置經函係準備西
岸民田水長泄入江今來若行取折開濬恐雨水連併
却致損壞堤岸無以發泄今相度鎮江府丹陽縣界運
河可開深至經函上下却於兩岸展出河身作馬甌開
闊外有呂城開外至杭州一帶河道各合用水手打將

河底一例開深五尺亦作馬甌開闊並委逐州縣守令
檢計工料并將來差顧人夫合用錢糧管幹開濬委是
經久利便從之工同

六年十月六日江淮荆浙等路發運副使盧宗原言池
州大江係上流網運經由東岸有暗石二十餘處西岸
有沙洲謂之折船灣廣二百餘里前後壞舟不可勝數
東岸有沙州謂之沙地四里餘若開通入杜湖經平水
徑池口面避江行二百里風濤之險實為大利從之工同
高宗光堯皇帝紹興元年十月十三日倉部員外郎成
大亨等言兩浙運使徐康國具到上虞縣梁湖堰東運
河淺澱一里半已來有旨令工部郎官各一員前去限

吳興劉氏求恕齋鈔本

一日相度申尚書省臣等遵依起發前去打量可料自
梁湖堰至住家埧共一里一百八十丈淺澱去處深淺
尺寸不等計積二十四萬二千一百赤每工開運土四
十尺共合用開撩計六千五百二工詔依其合用錢米
令戶部應付仍限三日令本縣令佐監督併工開撩及
誠約合千人不得拖延別致減尅錢米十八六日都省言
越州至餘姚縣運河淺澁埧閘隳壞阻滯網運詔差徐
康國蔡向失璞限一日起發前去措置開畝仍具修整
次第及日具逐官所至申尚書省康國等開具會稽縣
都泗堰至曹娥塔橋合開掘淘撩河身夾塘共用七萬
一千二百一工詔令和雇人夫開淘限十日了畢其合

用錢米令轉運司應副如見闕乏具令戶部借支具支
邊數却令轉運司撥還大典卷一萬一千一百八

二年四月十六日臣僚言臨安府城中惟藉湖水喫用
自來雖採捕之類亦嚴禁止今訪聞諸處軍兵多就湖
中飲馬或洗濯衣服作踐致令污濁不便詔令諸軍統
制官常切戒約如違重行斷遣本部統領官失覺察亦
一例施行仍仰李振差兵級一百人擺鋪巡捕上同
三年十一月五日宰臣奏聞修運河淺澁畫一上曰間
有言以五軍不堪出戰士卒克此役者固不可又有言
調民而役之者尤不可惟發旁郡廂軍壯城捍江之屬
為宜至於廩給之費則不當各宰臣朱勝非等奏言開

吳興劉氏求恕齋鈔本

河似非今急務而饋餉艱難為害甚大故不得已但時
方盛寒後者良苦臨流人侵塞河道悉當遷避至於畚
撮所經泥沙所積當預空其處則居人及富家以僦屋
取資者皆非便恐議者以為言上曰禹卑宮室而盡力
乎溝洫浮言何恤焉上同

四年正月十八日樞密院言臨安府見開撩運河雖下
浙東西州軍各差到廂軍兵士役使即日尚自關人今
來神武右軍有能舉王材史康民下揀退不堪披帶人
兵已降指揮並均撥與浙東州軍充填廂軍理宜措置
詔令張俊將揀下人依數差將校使臣管押赴臨安府
交割與梁汝嘉收管訖日下同馬承家等躬親揀點將

盡疑畫。

少壯人就交付諸州差來開河部押兵官應副役使候
畢工日部押歸本州內患病老弱之人具姓名申取樞
密院指揮如諸州開河兵官有未到權令臨安府收管
使喚候到交割並日下放行口券錢米無令失所逃竄
二月三日上諭宰執曰開河工料如何兩不妨作否人
或以為非急務朕語之曰禹卑宮室而盡力乎溝洫孔
子以為無間然安可謂非急務但要措盡有方耳四日
兩浙運副馬承家等言開撩臨安府運河元約兩月為
期已於今月二十三日興工自跨浦橋及飛虹橋北下
手開掘以二十日為一料今欲候第一料畢工從朝廷
先次差官覆視應得元開深闊丈尺接續開撩第二料

吳興劉氏求恕齋鈔本

更合取自朝廷指揮詔依差都司工部郎官寺監丞各
一員臨時從朝廷指揮差侍御史辛炳言開河兵級及
部役幹當官吏依已降指揮量行犒設具到除役兵外
六項屬官三項使臣四項人吏貼司所支錢自五貫三
貫兩貫至五百文雖有等差然名色猥多不無冒濫如
樞密院使臣七員何預開河之事轉運司主管催驅工
料官共八員既逐州軍官兵認定各有部役兵官何用
驅催轉運司主押官并貼司共五人既興工役即別無
大段行遣如壕寨等官下人吏共三十二人彈壓官下
使臣七員皆是冗數又彈壓兵級二百人何所用之不
惟逐項僥倖支散往往覬覦畢工保奏恩賞兼役兵四

然

千一百二十四人訪聞工部郎官點檢得實役兵只三千餘人其餘多是影占逐處當直及壕寨官安頓妄作名目差留在嚴州借事不知壕寨司元初檢計開撩工料係若干土工都數如何拋撥雖四十州軍差到人兵數目不同亦須預先隨多寡分認料數况州軍各有管押兵官都役豈有役兵不足虛認工料卻容影射差借之理逐人每日支破錢米既不着役未委何人偽冒請領今來犒設給散必有所歸竊慮上下通情作弊乞下工部取索本郡郎官曾與不曾點檢見實着役兵不同因依如何究治委有上件影占差借虛數即乞送所司根勘施行所有官吏犒設亦乞減半支給庶使着役勞

吳興劉氏求恕齋鈔本

苦之人不至怨憤從之上同

二十二日工部員外郎謝伋等言知臨安府梁汝嘉具到開撩本府裡河深處乞更不須開掘其填子基并餘杭門裡外一節措置併工量行挑撩臣等躬親將帶壕寨前去自地名葛公橋填子基探量水勢至餘杭門裡外兩處各有水四尺五六寸可以隨且挑撩外其餘河本皆及四尺七八寸至五尺以來欲依梁汝嘉等所乞施行從之上同

二十七日刑部言兩浙運副馬承家等言臨安府運河開撩漸見深濬今來沿河兩岸居民等尚將糞土瓦礫拋擲已開河內乞嚴行約束本部尋下大理寺立到法

輒將糞土瓦礫等拋入新河開運河者杖八十科斷仍
令在城都監及排岸外沙巡檢常切覺察如有違戾許
臨安府依法施行及仰本府多出文牒曉諭令看詳欲
依本寺所申從之上同

三月五日御史臺言自來開撩河道合在冬月水涸之
時今臨安府所開運河却於春間興役跨涉三月未見
畢工近緣春雨頻併水深數尺所役兵夫無處措手兼
訪聞元分作三料工役第一料乾淺去處先已開撩了
當第二料有夢小未開處并第三料水皆已深乞令臨
安府守臣同元管漕臣疾速相度將實碍漕運去處量
行開撩但舟船可通不必盡依元料如水深難施工處

吳興劉氏求恕齋鈔本

即且住罷候令冬乾涸再行鳩集詔令梁汝嘉馬承家
限三日同共相度申尚書省上同

八年十一月十一日知臨安府張澄言臨安府引江為
河支流於城之內外舟楫往來為利甚博歲久堙塞民
頗病之頃由陞對嘗乞回農隙畧加濬治今再講究更
不調夫工止乞下兩浙轉運司刷那廂軍壯城兵士逐
州軍定共差一千人選兵官將校部轄嚴責近限發赴
本所開濬以工程計之半年之外河流無壅豈惟百物
通行公私皆便兼春夏之交民無疾厲之憂從之上同
九年八月十七日知臨安府張澄言聞錢氏時嘗置撈
湖兵千人其後稍廢至元和中知州抗蘇軾始請于朝

逃

沾疑沿

遂加開浚湖水深廣為利非一逮今五十餘年葑田彌望埋沒大半况今車駕駐蹕一城億萬仰六井之水為多乞許本府各置廂軍士卒二百人衣糧依崇節指揮則例委官同縣屬兼領其事專一浚湖其或借使他役計贓定罪如有包占種田其間者亦重置於法從之上同

十五年七月二十四日給事中李若谷等言詳看到兩浙路轉運判官吳炯奏浙西湖秀州平江府舊年常有積水之患田不能耕逃移失業昨日提舉常平官趙霖開濬華亭處沾海三十六浦決泄水勢二十年間並無水患比年以來諸浦堙塞上河水泛滄損田畝不可勝計欲乞委浙西常平司措置支借常平錢穀諭人戶於

吳興劉氏求恕齋鈔本

農隙之際併力開濬以為永久之利今欲依所乞從之

上同

十六年八月二十五日宰執進呈臨安府措置在城舟船並令城外擺泊上曰已濬河道舟船之便多是居民因循填塞可行下臨安府禁止之上同

十七年六月一日上謂宰執曰臨安居民皆取汲西湖聞近年以來為人買撲拘占作葑田種菱藕之類沃以糞穢豈得為便况諸處庫務引以造酒用於祭祀尤非所宜可令臨安府措置禁之上同

十九年二月三日上謂宰執曰近降指揮開撩運河可以催促日下興工恐春深有妨農作十三日上謂宰執

曰昨降指揮開撩運河朝廷應副錢米因以養濟闕食
民戶竊慮公吏減尅或於諸縣調夫反有騷擾可告諭
湯鵬舉漕泳躬親檢察毋致違戾上同

三月二十六日前知和州徐嘉問言和州城下古河一
道自舍山縣發源東入州城流歸大江自經兵火沙礫
堙塞舟楫不通每歲起發上供及諸司綱運遵陸二十
五里始至江次計一歲裝綱約用八千餘工雇募夫役
不無騷擾乞下提舉司量行應付令本州將來農隙濬
治舊河灌溉阜通有利無害詔本路轉運司相度申尚
書省上同

七月二日上謂宰執曰西湖灌溉所資其利不細歲久

吳興劉氏求恕齋鈔本

淤澱宜措置修治上同

八月十一日知臨安府湯鵬舉言開撩西湖及修砌六
井陰竇水口增置斗門閘板通放入井已得就緒今條
具下項一紹興九年八月十七日已降指揮許本府招
置廂軍兵士二百人衣糧依崇節指揮例支破見管止
有四十餘人今已撥填撲及元額蓋造寨屋舟船每名
日添支米二升米錢五十文專一撩湖依昨降指揮不
許他役如違計贓定罪一前任知府張澄於紹興元
年八月十七日已降指揮差前錢塘縣尉兼管西湖灌
溉事今欲專差武臣一員主管每月支錢三十貫文知
通逐時檢察候任滿日委有勞績保明推恩一西湖菱

竊往往夾和糞穢色種澆灌紹興十七年六月內申明
不許請佃栽種今來又復栽種填塞臣已將蓮荷租錢
並除放訖犯人從杖一百科罪追賞錢三十貫文有官
人申朝廷取旨施行從之上同
二十一年正月二十二日上諭宰執曰布衣步孝友上
書言鎮江府練湖歲久埋塞艱於漕運令本路漕運司
措置開修上同
二十九年四月十五日知鎮江府楊揆言運河高仰藉
練湖水添注稍乾涸運河極淺今來接伴傳宣押宴若
乘船至常州出陸至鎮江就揚州船以往庶惜得湖水
以備使人往來之用送兩浙轉運副司趙子瀟看詳欲

惜疑借

吳興劉氏求恕齋鈔本

下鎮江府常州專委通判相視夾崗呂城奔牛閘一帶
運河淺澁處通徹潮港支撥錢米多雇人夫差縣官巡
尉監督車畝并將練湖水措置引導措期通放添注運
河餘依楊揆所乞從之上同

指

十月二十一日上宣諭知樞密院事王綸曰往年宰臣
嘗欲盡乾鑑湖去歲可得十萬斛米朕謂若遇歲旱無
湖水引灌即所損未必不過之凡事須遠慮可也王綸
奏曰貪目前之小利忘經久之遠圖最謀國者深誠此
一事當時非陛下止之今民間必受其患聖慮宏遠侔
古帝王矣上又云孔子以卑宮室盡力溝洫謂吾無問
然可知聖人以此為重大抵立事只問是與不是為已

律

